



ТОГТВОРТОЙ НООЛУУР ХОЛБОО



ТАНИЛЦУУЛГА

“Тогтвортой ноолуур” холбоо нь AVSF Монгол буюу Хил хязгааргүй малын эмч нар ба агрономичид байгууллагын дэмжлэгтэйгээр Баянхонгор аймгийн тогтвортой ноолуур бэлтгэгч хоршоодын санаачилгаар 2017 онд байгуулагдсан ашгийн бүс, гишүүдэд үйлчилдэг төрийн бүс байгууллага.

Холбоо нь хоршоодыг зах зээлтэй холбох маркетингийн үйл ажиллагааг зохион байгуулж, малчдын байгальд ээлтэй аргаар бэлтгэж, боловсруулсан түүхий эдийг Европын зах зээлд нэмүү өртгөөр борлуулахад дэмжлэг үзүүлдэг.

ЗОРИЛГО

“Тогтвортой ноолуур” холбоо нь хоршоодын үйл ажиллагааг эрчимжүүлж, байгальд ээлтэй аргаар хоршоодын бэлтгэсэн түүхий эдийг олон улсын зах зээлд гаргах замаар малчдын амьжиргааг дээшлүүлж, байгаль орчинг хамгаалахад хувь нэмэр оруулах зорилготой.

ҮЙЛ АЖИЛЛАГАА

“Тогтвортой ноолуур” холбоо нь түүхий эд буюу ноолуурын нэмүү өртгийн сүлжээний эхний хэсэг буюу малчдын хоршоодод тогтвортой ноолуур бэлтгэлийн сайн туршлагыг нэвтрүүлж, зөв дадлыг төлөвшүүлж, эх үүсвэр нь тодорхой, мөшгөх боломжтой бэлтгэн, нийлүүлэлтийн загварыг нэвтрүүлэх чиглэлд үйл ажиллагаа явуулдаг. Холбооны гишүүн хоршоод AVSF Монгол байгууллагын санаачлан нэвтрүүлсэн Тогтвортой ноолуур гэрчилгээжүүлэлтийн схемд бүрэн хамрагддаг.

Мөн AVSF Монгол байгууллагын дэмжлэгтэйгээр малын үржил, эрүүл мэнд, ноолуурын чанарыг сайжруулах тал дээр тогтмол анхаардаг тул ноолуурын чанарын хувьд олон улсын худалдан авагчдын шаардлагыг бүрэн хангадаг. 2017 оноос хойш Холбоо нь гишүүн хоршоодын бэлтгэсэн тогтвортой ноолуурын борлуулалтыг зургаа дахин нэмэгдүүлээд байна.

Түүнчлэн хоршоодын малчдын нийгмийн асуудлыг сайжруулах зорилгоор гадны хандивлагч байгууллагын тусламжтайгаар эрүүл мэнд, боловсролд чиглэсэн хөтөлбөрүүдийг жил бүр үр дүнтэйгээр хэрэгжүүлдэг.

“ТОГТВОРТОЙ НООЛУУР” ГЭРЧИЛГЭЭЖҮҮЛЭЛТ

Холбооны гишүүдийн бэлтгэдэг ноолуурын баталгаа нь 25 шалгуур бүхий “Тогтвортой ноолуур” гэрчилгээжүүлэлт юм.

2020 оны байдлаар нийт гишүүдийн 97% нь аймгийн болон үндэсний хэмжээний Гэрчилгээжүүлэлтийн хороодоор шалгагдаж, баталгаажсан “Тогтвортой ноолуур” гэрчилгээтэй.

Гэрчилгээ авсан малчин, малчдын хоршоо нь тогтвортой ноолуур бэлтгэн нийлүүлэх нэмүү өртгийн сүлжээний нэг хэсэг болж, гадаадын зах зээлд нэвтрэх боломжтой болохоос гадна, үндэсний хэмжээний тогтвортой үйлдвэрлэлд хувь нэмрээ оруулах анхан шатны нэгж хэмээн хүлээн зөвшөөрөгдөх боломжтой юм.

“ТОГТВОРТОЙ НООЛУУР” ХОЛБООНЫ ХАМТРАГЧ ТАЛУУД

- Баянхонгор аймгийн ЗДТГ, ХХААГ
- Сумдын удирдлага, мэргэжилтнүүд
- Монголын үндэсний хоршоологчдын Холбоо
- Бэлчээр ашиглагчдын хэсэг, Холбоо



ХЭРЭГЖИЖ БУЙ ГАЗРУУД:

Баянхонгор аймаг



“ТОГТВОРТОЙ НОЛУУР” ХОЛБООНЫ ГИШҮҮНЧЛЭЛ

Тогтвортой нолуур холбоо нь Баянхонгор аймгийн таван хоршооны 350 өрхийн 1600 гаруй малчны гишүүнчлэлтэй бөгөөд цаашид бид тогтвортой нолуур бэлтгэлийн сайн туршлагаа бусад аймаг, сумдад өргөжүүлэхээр ажиллаж байна.

- Богд сум дахь “Орог нуурын хишиг” хоршоо
- Жинст сум дахь “Түйн хишиг” хоршоо
- Баацагаан сум дахь “Цанхир хайрхан” хоршоо
- Шинэжинст сум дахь “Цармын цагаан сүвд” хоршоо
- Бөмбөгөр сум дахь “Өгөөж Баян Өлзийт Гол” хоршоо

“ТОГТВОРТОЙ НОЛУУР” ХОЛБООНЫ БҮТЭЦ

ХОЛБООНЫ ДЭЭД УДИРДАХ БАЙГУУЛЛАГА НЬ ШУУД МЕНЕЖМЕНТИЙН ЗАРЧИМ БУЮУ ГИШҮҮД ӨӨРСДӨӨ ЮМ

УДИРДАХ
ЗӨВЛӨЛ

ГҮЙЦЭТГЭХ
УДИРДЛАГА

ХЯНАЛТЫН
ЗӨВЛӨЛ



ТОГТВОРТОЙ НОЛУУРЫН ТУХАЙ ОЙЛГОЛТ:

Тогтвортой нолуур хэмээх ойлголт тогтвортой хөгжлийн зарчимд тулгуурласан бөгөөд байгальд ээлтэй, нийгэмдээ тэгш хүртээмжтэй, эдийн засгийн хувьд алдагдалгүй аргаар үйлдвэрлэсэн түүхий эд юм.



Байгаль орчны ач холбогдол байгаль орчинд сөрөг нөлөөгүй, эсвэл бага нөлөөтэй/байгаа байдлыг доройтуулахгүй байх



Нийгмийн ач холбогдол - малчин гишүүдийнхээ эрх ашгийг хамгаалж, нийгмийн сайн сайхан, тааламжтай, баталгаатай байдал хангагдсан байх;



Эдийн засгийн ач холбогдол- эдийн засгийн өсөлт тэгш хангагдаж, ашиг орлогын шударга хуваарилалттай байх.

350
өрх



1500
малчин



97%



аймгийн болон үндэсний хэмжээний Гэрчилгээжүүлэлтийн хороодоор шалгагдаж, баталгаажсан “Тогтвортой нолуур” Гэрчилгээтэй.



ХОЛБОО БАРИХ :

Хаяг: Улаанбаатар хот, Сүхбаатар дүүрэг, Сөүлийн гудамж, МЖЖ байр, 4-р давхар, 405 тоот
Утас: +976 70123868; +976 80603868
Имэйл хаяг: info@sustainablecashmere-mongolia.com

Facebook хуудас: Sustainable Cashmere Union